



Universitätsbibliothek Paderborn

Talio, Sev Metiens Et Remetiens Mensvra

Stengel, Georg

Ingolstadij, 1650

§. 5. Holofernes suo pugione iugulatus; & Dauid adulter adulterijs punitus.

[urn:nbn:de:hbz:466:1-52346](#)

bum tuum; Sed aliud est, Verbum Dei, quando alicui semel ex diuina inspiracione cognitum & intellectum est, dirigere illum, ne erret, sicut lucerna, quæ dirigit eum, ne in foueam cadat, aut in lapidem offendat: aliud est, Verbum Dei ex se claram esse, quod negamus cum Davide, cuius ibidem verba sunt: *Reuelo oculos meos, & considerabo mirabilia de lege tua;* item: *Da mihi intellectum, & scrutabor legem tuam;* *Da mihi intellectum, ut sciam testimonia tua.* Vbi petit gratiam à Deo, ut possit Scripturam intelligere; qua ipsa petitione ostendit, Scripturam adeò esse obscuram, ut sine peculari Dei illustratione intelligi non possit. In hunc modum mysticè Goliath suo gladio obtruncatur, dum scripturis hæretici, qui volunt scripturis contra nos pugnare, percutiuntur.

§. V.

Holofernes suo pugione ingulatus; & David adulterijs punitus.

Ceterùm ad litteram suo telo cecidit superbus ille Martis imitator Holofernes, qui dum ingenti exercitu imminuit Iudeis, muliebri manu est interemptus. Fortissima enim Iudith, oratione ad Deum fusa, accessit

Iudith.
13. 8.

ad

ad columnam, que erat ad caput lectuli eius, & pugionem eius, qui in ea ligatus pendebat, exsoluit. Cumq[ue] euaginasset illum, apprehendit co-mam capitis eius, & ait: Confirmame, Domine Deus in hac hora, & percussit bis in cervicē eius, & abscidit caput eius. Inermis erat, arma ab hoste accepit, ut itidem David à Philistæo. Quid molimini, mortales, cultrum acutis in victimam? ipsi hostia fietis, quæ sub cultrum veniat. Quām multi mortem euaderent inermes, qui armati occiduntur? quia gladium aduersario porrigunt. Vrbi-bus captis, facile reliquis vita donatur, qui autem stant in excubijs, qui enses stringunt, qui vibrant hastas, sine vlla gratia perimuntur, & s̄epe suis armis perimuntur, quibus ipsi hostem perimere voluerunt. Deus quoque idem facit in sceleribus hominum puniendis, eodem ferro, aut eadem poena, immo eodem scelere sinit plurimos sauciari, quibus destinabat alios mactare; ut mensuræ paritas justitiæ demonstret paritatem. Certè ad ipsum Dauidem adulterum factū, per Nathan Prophetam dixit Dominus: Eò 1. Reg. 12 quod despiceris me, & tuleris uxorem Vrbi^{10.} Hethai, ut esset uxor tua; Ecce ego suscitabo super te malum de domo tua, & tollam uxores tuas

thas

Dei,
ratio-
re il-
igit
lema
e cla-
cuius
e, O
Da
: Da
Vbi
amu
Scri-
olia-
. In
adio
qui
per-
mid
su-
qui
nu-
a e-
efit
ad

tuas in oculis tuis, & dabo proximo tuo, & dormiet cum uxoribus tuis in oculis solis huic.
Adulterium igitur vnum permisit pluribus adulterijs compensari; ut, quod Vriæ in una uxore fecerat, ipse in multis pateretur.

§. VI.

Ioannis Baptiste caput suo capite luit pueri saltatrix.

Qua de causa in novo etiam testamento impia illa saltatrix, quæ caput Ioannis Baptiste in disco poposcit, ipsa quoque caput, mirabili casu, immò mirabili Dei prouidentia amisit. Historiam Nicephorus Callist. his verbis commemorat. Furibunda sed enim lib. I. hist. Eccl. cap. & adultera incestaq; adeò illa, quæ quidem Herodis habebatur, reuera autem Philippi erat coniuncta, vitâ longius actâ, quam prius filiam & saltatricem acerbo fato sublatam vidisset, deinde ipsa quoque decessit, futuri seculi Indicio, & suppicio reservata, meras ibi quam citissime diuina ira faces, intolerabilisq; indignationis Domini calicem haustura. Filia autem eius (dignum enim est, qui memoria commendetur) talis fuit obitus. Eundum ei quòdiam brumali tempore erat, & fluvius traiiciendus, qui cùm glacie constrictus, coagmentatusq; esset, peda eum transibat. Glacie autem ruptâ, (idq; non sine